

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik

Broj: 02/12-19-22999/21
Sarajevo, 22.12.2021. godine

Na osnovu člana člana 69. stav (2) tačka d) i e) i člana 70. stav (1) i (4) Zakona o javnim nabavkama („Službeni glasnik BiH“, br. 39/14) i člana 14. Pravilnika o nabavci roba, vršenju usluga i ustupanju radova broj: 09-05-26263/15 od 27.11.2015. godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/12-05-10708/18 od 16.5.2018. godine, a na preporuku Komisije za javnu nabavku radova, Općinski načelnik donosi

ODLUKU O PONIŠTENJU POSTUPKA JAVNE NABAVKE

I

Prihvata se preporuka Komisije za javnu nabavku radova i poništava se postupak javne nabavke - Izgradnja teniskog terena u Centru za edukaciju, sport i rekreaciju „Safet Zajko“, broj obavještenja 422-7-3-223-3-199/21, objavljeno na Portalu javnih nabavki dana 02.12.2021. godine, obzirom da jedina zaprimljena ponuda nije prihvatljiva.

II

Zadužuje se Služba za zajedničke poslove da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Obrazloženje

Odlukom broj 02/12-19-22999/21 od 01.12.2021. godine Općina Novi Grad Sarajevo pokrenula je konkurentski postupak javne nabavke – Izgradnja teniskog terena u Centru za edukaciju, sport i rekreaciju „Safet Zajko“, broj obavještenja 422-7-3-223-3-199/21, objavljeno na Portalu javnih nabavki dana 02.12.2021. godine.

Zapisnikom o otvaranju ponuda od 15.12.2021. godine Komisija je konstatovala da je u predviđenom roku, u propisno upakovanoj kovrti, pristigla jedna (1) ponude ponuđača: 1. „Tennis line sol“ d.o.o. Brčko distrikt i „Građevinske konstrukcije“ Pejić d.o.o. Brčko distrikt.

Nakon što je Komisija utvrdila da je pristigla jedna ponuda, pristupila je analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku.

Komisija je utvrdila da grupa ponuđača „Tennis line sol“ d.o.o. Brčko i „Građevinske konstrukcije“ Pejić d.o.o. Brčko distrikt ne ispunjava kvalifikacioni uslov tražen u tenderskoj dokumentaciji iz tačke 4.2.1. (i) tehnička i profesionalna sposobnost tj. Dokaz izdat od PIO ili MIO ili Porezne uprave da ponuđač u radnom odnosu ima zaposlenog jednog diplomiranog inženjera – građevinske ili arhitektonske struke sa datumom izdavanja ne starijim od 30 dana računajući od dana utvrđenog kao krajnji rok za predaju ponuda (original ili ovjerena kopija). Uvidom u dostavljenu ponudu konstatovano je da je ponuđač dostavio ovjerenu kopiju diplome za jednog diplomiranog inženjera građevinske struke kao i dokaz o položenom stručnom ispitu. Međutim ponuđač nije dostavio dokaz tj. uvjerenje izdato od PIO ili MIO ili Porezne uprave da lice za koje je dostavljena dokumentacije stalno zaposleno kod ponuđača, čime se dokazuje radno iskustvo u struci, te je komisija konstatovala da ponuđač nije ispunio uslove iz ove tačke tenderske dokumentacije.

Nadalje Komisija je utvrdila da su članovi konzorcija „Tennis line sol“ d.o.o. Brčko distrikt i „Građevinske konstrukcije“ Pejić d.o.o. Brčko dostavili popunjene obrasce za ponudu koji su dati u Aneksu 2 tenderske dokumentacije, i to: popunjen obrazac za cijenu ponude (Aneks 3), obrazac povjerljivih informacija (Aneks 4), kao i popunjen i potpisan naert okvirnog sporazuma, a u sklopu iste ponude dostavljeni su i nepopunjeni navedeni obrasci. Tačkom 4.4.1. i 4.4.7. je propisano da ponuđač treba popuniti obrazac za ponudu i cijenu ponude koji se nalazi u

prilogu tenderske dokumentacije, u skladu sa svim podacima koji su definisani Aneksima 2. i 3. te da ukoliko ponudu podnosi grupa ponuđača, zajednički će dostaviti popunjene gore pobrojane obrasce za ponudu i cijenu ponude. Nadalje grupa ponuđača ne ispunjava kvalifikacione uslove tražene tačkom 4.2.1. pod f) tenderske dokumentacije – ponuđač je dužan dostaviti Izjavu o sukobu interesa (Aneks 6), Komisija je konstatovala da izjava koju je dostavio član grupe ponuđača „Tennis line sol“ d.o.o. Brčko distrikt nije ovjerena, dok ponuđač „Građevinske konstrukcije“ Pejić d.o.o. Brčko distrikt nije uopšte dostavio navedenu izjavu, što je kao član konzorcija u skladu sa tačkom 3.5.1. tenderske dokumentacije gdje su navedeni uslovi koje mora ispunjavati svaki član grupe pojedinačno morao dostaviti.

Nadalje Komisija je utvrdila da je pristigla ponuda grupe ponuđača „Tennis line sol“ d.o.o. Brčko distrikt i „Građevinske konstrukcije“ Pejić d.o.o. Brčko distrikt veća od osiguranih sredstava za predmetnu nabavku, obzirom da je Odlukom o pokretanju postupka procijenjena vrijednost nabavke 70.000,00 KM sa PDV-om, odnosno da ponuđena cijena za okvirni sporazum grupe ponuđača „Tennis line sol“ d.o.o. Brčko distrikt i „Građevinske konstrukcije“ Pejić d.o.o. Brčko distrikt iznosi 72.330,39 KM sa PDV-om.

Iz naprijed navedenih razloga utvrđeno je da grupa ponuđača „Tennis line sol“ d.o.o. Brčko distrikt i „Građevinske konstrukcije“ Pejić d.o.o. Brčko distrikt ne ispunjava uslove tražene u tenderskoj dokumentaciji te je ponuda odbačena shodno članu 68. stav (4) tačka i).

Imajući u vidu da je Komisija u cijelosti pravilno provela postupak i da je kvalifikovanost ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to se prihvata preporuka Komisije o poništenju postupka javne nabavke, te je shodno odredbama člana 69. stav (2) tačka d) Zakona o javnim nabavkama („Službeni glasnik BiH“, br. 39/14) odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 5 (pet) dana prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

DOSTAVITI:

1. Ponuđačima u postupku
2. Služba za zajedničke poslove
3. Komisija za javne nabavke radova
4. U spis



Općinski načelnik
mr. Semir Efendić